



Persónuverndaryfirlýsing

1. Almenn

Félag lykilmanna, kt. 530412-0750, Suðurlandsbraut 4a, 108 Reykjavík, er annt um friðhelgi einstaklinga og tekur persónuvernd mjög alvarlega. Félag lykilmanna leggur mikla áherslu á að meðferð persónuupplýsinga sé ávallt í samræmi við gildandi persónuverndarlöggjöf. Í þessari tilkynningu má sjá hvaða persónuupplýsingum félagið safnar um einstaklinga vegna starfsemi sinnar og í hvaða tilgangi. Þá má hér finna upplýsingar um aðra viðtakendur upplýsinganna og hvað við geymum þær lengi. Auk þess má hér finna upplýsingar um á hvaða grundvelli Félag lykilmanna safnar persónuupplýsingum, hvaða réttinda einstaklingar njóta og fleiri mikilvægar upplýsingar sem tengjast lögum um persónuvernd og vinnslu persónuupplýsinga nr. 90/2018.

2. Hvað eru persónuupplýsingar og vinnsla persónuupplýsinga?

Með persónuupplýsingum er átt við allar upplýsingar sem hægt er að rekja til tiltekins einstaklings, svo sem upplýsingar um nafn, kennitölu, heimilisfang, netfang, símanúmer, fjárhag, IP tölu og fleira.

Með viðkvæmum persónuupplýsingum er átt við þær persónuupplýsingar sem falla undir 3. tölul. 3. gr. laga um persónuvernd og vinnslu persónuupplýsinga nr. 90/2018, svo sem upplýsingar um þjóðerni, stéttarfélagsaðild og heilsufarsupplýsingar.

Með vinnslu persónuupplýsinga er átt við alla meðferð og notkun persónuupplýsinga svo sem söfnun, skráningu, varðveislu, breytingu eða eyðingu.

3. Hvernig vinnur Félag lykilmanna persónuupplýsingar?

Hjá Félagi lykilmanna fer vinnsla persónuupplýsinga fram á lögmatum grundvelli og í samræmi við lög um persónuvernd og vinnslu persónuupplýsinga nr. 90/2018. Félagið gætir jafnframt að því að persónuupplýsingar séu ekki unnar frekar á þann hátt að vinnslan sé ósamrýmanleg upprunalegum tilgangi vinnslunnar.

Félagið gætir að því að farið sé að eftirfarandi meginreglum:

- 1) Að persónuupplýsingar séu unnar með sanngjörnum hætti.
- 2) Að persónuupplýsingum sé einungis safnað í skýrum tilgangi.
- 3) Að ekki sé safnað meiri persónuupplýsingum en nauðsynlegt er.
- 4) Að persónuupplýsingar séu nákvæmar og uppfærðar þegar þörf krefur.
- 5) Að persónuupplýsingar séu ekki geymdar lengur en þörf er á.
- 6) Að gætt sé að öryggi persónuupplýsinga með viðeigandi varúðarráðstöfunum.

Ekki fer fram sjálfvirk ákvarðanatöku við vinnslu persónuupplýsinga hjá Félagi lykilmanna, sbr. 22. gr. persónuverndarlaga.

4. Um hverja safnar Félag lykilmanna persónuupplýsingum?

Í starfsemi félagsins er nauðsynlegt að safna og vinna með persónuupplýsingar um mismunandi hópa einstaklinga. Þær persónuupplýsingar sem félagið hefur undir höndum geta verið um starfsmenn þess, félagsmenn, viðsemjendur og aðra þriðju aðila sem nauðsynlegt er að eiga samskipti við.

5. Hvaða persónuupplýsingum safnar Félag lykilmanna um þig?

Félag lykilmanna safnar ólíkum persónuupplýsingum um mismunandi hópa einstaklinga eftir því hvaða starfsemi félagsins er um að ræða. Undir öllum kringumstæðum leitast félagið við að safna einungis þeim persónuupplýsingum sem nauðsynlegar eru með hliðsjón af tilgangi vinnslunnar.

Félag lykilmanna safnar nauðsynlegum upplýsingum um starfsfólk, til dæmis upplýsingum um nafn, kennitölu, heimilisfang, símanúmer, viðveru, laun og fleira. Einnig þarf félagið að safna viðkvæmum persónuupplýsingum og öðrum upplýsingum sem teljast viðkvæms eðlis um starfsfólk, umsóknaraðila og félagsmenn. Hér má til dæmis nefna upplýsingar um heilsufar framangreindra hópa og stéttarfélagsaðild starfsfólks.

Félag lykilmanna safnar einkum eftirfarandi persónuupplýsingum um umsóknaraðila og félagsmenn:

5.1 Tölvupóstssamskipti

Þær upplýsingar sem safnað er þegar kemur að tölvupóstssamskiptum eru nafn, netfang og samskiptin sjálf.

5.2 Aðildarumsókn

Þær upplýsingar sem safnað er þegar sótt er um aðild að félaginu eru nafn, kennitala, netfang, símanúmer ásamt upplýsingum um menntun og starfsheiti. Þá er safnað upplýsingum um nafn og kennitölu vinnuveitanda umsækjanda ásamt nafni og netfangi launafulltrúa vinnuveitanda.

5.3 Skráning félagsmanns

Þær upplýsingar sem safnað er þegar félagsmaður er skráður í félagið eru nafn, kennitala, netfang, símanúmer ásamt upplýsingum um menntun og starfsheiti. Þá er við skráningu safnað upplýsingum um nafn og kennitölu vinnuveitanda umsækjanda ásamt nafni og netfangi launafulltrúa vinnuveitanda.

5.4 Skilagreinar

Þær upplýsingar sem safnað er við móttöku skilgreina frá launagreiðanda félagsmanns eru nafn, kennitala og fjárhæð iðgjalda.

5.5 Gjaldþrot vinnuveitanda

Til að veita félagsmanni aðstoð við að leita réttar síns við gjaldþrot vinnuveitanda safnar félagið upplýsingum um vinnuveitandann ásamt nafni, kennitölu og starfsheiti félagsmanns. Að auki safnar félagið upplýsingum úr ráðningarsamningi og af launaseðli félagsmanns.

5.6 Ágreiningur við vinnuveitanda

Til að veita félagsmanni aðstoð við að leita réttar síns vegna ágreinings við vinnuveitanda safnar félagið upplýsingum um ágreiningsefnið ásamt nafni og kennitölu félagsmanns. Að auki safnar félagið upplýsingum úr ráðningarsamningi og launaseðlum félagsmanns, o.fl.

Einnig þarf félagið að halda til haga nauðsynlegum tengiliðaupplýsingum, svo sem nafni og netfangi, um viðsemjendur og aðra þriðju aðila.

Félag lykilmanna vinnur ekki persónuupplýsingar um börn yngri en 18 ára.

6. Af hverju safnar Félag lykilmanna persónuupplýsingum um þig?

Tilgangurinn með söfnun upplýsinganna er að:

- Geta efnt samningsskyldu við starfsmenn, félagsmenn og viðsemjendur.
- Geta veitt félagsmönnum umsamda þjónustu.
- Gæta að lögmætum hagsmunum félagsins.
- Uppfylla lagaskyldu.

7. Á hvaða lagagrundvelli vinnur Félag lykilmanna persónuupplýsingar um þig?

Félag lykilmanna safnar og vinnur persónuupplýsingar á eftirfarandi lagagrundvelli:

- Samþykki þínu.
- Til að uppfylla samningsskyldu.
- Til að uppfylla lagaskyldu eða til að gera ráðstafanir að beiðni hins skráða áður en samningur er gerður.
- Til að gæta að lögmætum hagsmunum félagsins.

8. Hve lengi geymir Félag lykilmanna persónuupplýsingar um þig?

Félagið geymir persónuupplýsingar einungis í þann tíma sem nauðsynlegt er fyrir félagið að hafa þær undir höndum. Þegar ekki er þörf fyrir að hafa persónuupplýsingar undir höndum lengur eyðir félagið þeim með öruggum hætti.

9. Frá hverjum safnar Félag lykilmanna upplýsingum um þig?

Félag lykilmanna safnar persónuupplýsingum frá þér beint. Að auki þarf félagið við ákvörðun á bótarétti og bótafjárhæðum að afla persónuupplýsinga frá váttryggingafélögum, Tryggingastofnun ríkisins, Vinnueftirliti ríkisins, skattayfirvöldum, lífeyrissjóðum, vinnuveitendum, læknum, sjúkrastofnunum og öðrum sem kunna að hafa með höndum upplýsingar um heilsufar félagsmanna. Ef safnað er persónuupplýsingum frá öðrum þriðju aðilum mun félagið eftir fremsta megni leitast við að upplýsa viðkomandi einstakling um það.

10. Hvenær miðlar Félag lykilmanna þínum persónuupplýsingum til þriðju aðila og af hverju?

Í eftirfarandi tilvikum miðlar Félag lykilmanna persónuupplýsingum til þriðju aðila:

10.1 Aðildarumsókn

Berist félaginu undirrituð aðildarumsókn tekur aðild umsóknaraðila sjálfkrafa gildi í samræmi við reglur Félags lykilmanna.

10.2 Tilkynning til launagreiðanda

Við skráningu félagsmanns í félagið er send tilkynning til laungreiðanda hans til að launagreiðandinn geti staðið skil á iðgjöldum félagsmanns. Þá er launagreiðanda einnig send tilkynning um það ef félagsmaður er skráður úr félaginu.

10.3 Miðlun upplýsinga til váttryggingafélags

Í þeim tilvikum er félagsmaður gerir kröfu um bætur á hendur sjúkrasjóði FLM mun félagið senda afrit af undirritaðri inngöngubeiðni til þess váttryggingafélags sem Félag lykilmanna er með samning við á hverjum tíma svo váttryggingafélagið geti lagt mat á bótaskyldu.

10.4 Miðlun upplýsinga til kjarafulltrúa

Óski félagsmaður eftir að félagið veiti honum aðstoð við að leita réttar síns við gjaldþrot vinnuveitanda eru upplýsingar sendar til kjarafulltrúa.

10.5 Miðlun upplýsinga til lögmannsstofu

Óski félagsmaður eftir að félagið veiti honum aðstoð við að leita réttar síns vegna ágreinings við vinnuveitanda eru upplýsingar sendar til þeirrar lögmannsstofu sem Félag lykilmanna er með samning við á hverjum tíma.

10.6 Miðlun til verktaka o.fl.

Félag lykilmanna miðlar einnig persónuupplýsingum til þriðja aðila sem ráðnir eru af félaginu til að vinna fyrir fram ákveðna vinnu, svo sem þjónustuveitenda, umboðsmanna eða verktaka. Í þeim tilfellum gerir Félag lykilmanna vinnslusamning við viðkomandi aðila. Slíkur samningur kveður meðal annars á um skyldu hans til að fylgja fyrirmælum Félags lykilmanna um meðferð persónuupplýsinga og er honum óheimilt að nota þær í öðrum tilgangi. Jafnframt ber honum skylda til að tryggja öryggi upplýsinganna með viðeigandi hætti.

Þá miðlar Félag lykilmanna upplýsingum til þriðja aðila þegar skylda stendur til þess samkvæmt lögum.

11. Flutningur persónuupplýsinga út fyrir Evrópska efnahagssvæðið

Félagi lykilmanna er kunnugt um að ströng skilyrði gilda um flutning persónuupplýsinga til ríkja sem staðsett eru utan Evrópska efnahagssvæðisins. Félag lykilmanna gerir það ekki undir neinum kringumstæðum nema fullnægjandi heimild standi til þess samkvæmt lögum um persónuvernd og vinnslu persónuupplýsinga nr. 90/2018.

12. Réttindi þín

Hafir þú veitt samþykki þitt fyrir vinnslu tiltekinna persónuupplýsinga átt þú rétt samkvæmt lögum um persónuvernd og vinnslu persónuupplýsinga, nr. 90/2018, að afturkalla samþykki þitt hvenær sem er. Sá réttur hefur þó ekki áhrif á lögmæti þeirrar vinnslu sem fram fór áður en samþykki var afturkallað. Þá nýtur þú einnig annarra réttinda, svo sem réttar til aðgangs að þínum gögnum, réttar til að fá rangar eða villandi upplýsingar leiðréttar, réttar til að persónuupplýsingum um þig verði eytt, réttar til að hindra að unnið verði með persónuupplýsingar um þig og réttar til að flytja eigin gögn. Hafa skal í huga að réttindi þín eru ekki alltaf fortakslaus og kunna að vera háð ýmsum skilyrðum.

13. Öryggi persónuupplýsinga

Félag lykilmanna hefur gripið til viðeigandi tæknilegra og skipulagslegra öryggisráðstafana til að tryggja öryggi persónuupplýsinga í samræmi við lög um persónuvernd og vinnslu persónuupplýsinga nr. 90/2018. Felur það meðal annars í sér að aðeins þeir starfsmenn hafa aðgang að persónuupplýsingum sem þess þurfa starfs síns vegna. Auk þess stuðlar félagið að því að starfsmenn fái reglulega viðeigandi fræðslu og þjálfun um öryggismál.

14. Samskiptaupplýsingar Félags lykilmanna

Nafn: Félag lykilmanna
Heimilisfang: Suðurlandsbraut 4a, 108 Reykjavík.
Netfang: flm@flm.is.

15. Frekari upplýsingar og persónuverndarfulltrúi

Ef þú hefur frekari spurningar um hvernig Félag lykilmanna meðhöndlar þínar persónuupplýsingar, þá eru hér neðangreindar samskiptaupplýsingarnar hjá persónuverndarfulltrúanum okkar:

Netfang: dpo@dattacalabs.com

16. Réttur til að leggja fram kvörtun hjá persónuvernd

Dragir þú í efa að Félag lykilmanna meðhöndli persónuupplýsingar þínar í samræmi við lög um persónuvernd og vinnslu persónuupplýsinga nr. 90/2018 hefur þú rétt til að leggja fram kvörtun hjá Persónuvernd (www.personuvernd.is).

17. Endurskoðun á þessari persónuverndaryfirlýsingu

Félag lykilmanna mun endurskoða persónuverndaryfirlýsingu þessa regluleg til þess að hún sé í samræmi við gildandi lagafyrirmæli og endurspegli þá vinnslu persónuupplýsinga sem á sér stað hjá fyrirtækinu á hverjum tíma. Eftir að breytingar hafa verið gerðar á persónuverndaryfirlýsingunni taka þær gildi þegar uppfærð útgáfa hefur verið birt.

Persónuverndaryfirlýsing þessi var samþykkt 17. október 2020.